



Bou ons kinders vir môre

Sondagskool 4

Lestitel: Elia op berg Horeb

'n Ouerhandleiding

Sondagskooltuisonderrig



Liewe Ouer

Welkom by die les: “**Elia op berg Horeb**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	<p>Versamel die volgende hulpmiddels om te verseker dat u vir die les gereed is:</p> <ul style="list-style-type: none">• Bybel• Die les in PDF-formaat wat reeds voorberei is• Kind se werkboek, potlode, kryte, ens.• Die kort video, wat 'n addisionele / opsionele hulpmiddel is• Kategismus in Vrae en Antwoorde (veral vir Konfirmasie) <p>Nota:</p> <p>2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou.</p> <p>2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie.</p> <p>2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)).</p> <p>2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.</p>
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Elia op berg Horeb
Bybelwoord	1 Konings 19: 1-21 en 2 Konings 2: 9-12
Lesdoelwit	Die kinders se geloof word versterk deur die wete, dat die Here diegene wat Hom getrou dien, nooit verlaat nie.

Lesopsomming:

- Elia moes uit Israel vlug, want Isébel, die vrou van die koning, wou hom laat doodmaak. Sy was kwaad, want hy het haar profete en gode vernietig. Hy vlug saam met sy dienskneg, maar laat die dienskneg later in 'n dorp agter, en vlug alleen die woestyn in.
- Moeg sleep Elia homself deur die warm sand. Uitgeput gaan sit hy onder 'n boom en sê: "Dit is nou genoeg, Here, laat my sterf." Toe raak hy aan die slaap.
- God het vir hom kos gegee in die woestyn. Terwyl hy geslaap het, het die stem van 'n engel hom wakker gemaak en gesê: "Staan op en eet, jy het 'n lang pad voor jou."
- Versterk deur die kos, reis Elia veertig dae deur die woestyn totdat hy die berg Horeb bereik.
- Daar verskyn God saggies aan hom en gee hom die opdrag om twee nuwe konings te salf, een oor Sirië en een oor Israel. Die nuwe konings sal die huis van Agab straf.
- Die Here het ook vir Elia aangesê om Elisa te salf as 'n profeet om hom op te volg. Toe het die tyd gekom dat die Here vir Elia in 'n warrelwind na die hemel opneem, en Elisa het gesien hoe Elia in 'n vuurwa deur 'n stormwind opgeneem is.

Wat beteken hierdie les vandag vir ons?

- God het altyd vir Elia versterk toe hy vir Hom geveg het tydens die volk se afgodaanbidding en God het hom teen Isébel beskerm.
- God het na hom omgesien tydens die droogte en in die woestyn, en God het hom ook getroos en vir hom 'n opvolger verseker.
- God het vir Elia op 'n wonderlike manier van die aarde geneem, hy het nie gesterf nie.
- As ons God getrou dien soos Elia, sal God ons ook nooit verlaat nie.



Sommige vrae wat ons kan vra:

1. Waarom moes Elia vlug?

Antwoord: Isébel wou hom laat doodmaak.

2. Hoe het God na Elia in die woestyn omgesien?

Antwoord: God het 'n engel nah om gestuur om hom te voed en hom krag te gee vir sy lang reis

3. Hoe het God aan Elia op die berg Horeb verskyn?

Antwoord: In 'n sagte fluistering

4. Watter opdrag het God vir Elia gegee om te doen?

Antwoord: Hy moes nuwe konings vir Sirië en Israel salf

5. Wie was Elia se opvolger?

Antwoord: Elisa

6. Hoe is Elia hemel toe geneem?

Antwoord: In 'n vuurwa met 'n storm

7. Wat het jy uit hierdie les geleer?

Antwoord: As ons God getrou dien, sal Hy ons nooit verlaat nie

'n Gebed vir Pappa en Mamma om voor die les te bid:

Liewe God, baie dankie vir hierdie dag, Seën alle ouers en kinders

Mag ons u teenwoordigheid aanvoel, Seën die les wat ons gaan hê

Leer ons hoe om U te dien, En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.